

PROWINE ASIA SINGAPUR 2026

BERTARATZEKO DEIALDIA

- **Data:** 2026ko apirilaren 21-24
- **Tokia:** Singapur Expo, Hall 4
- **Maiztasuna:** bi urtez behingo
- **Norentzat:** Mahastizaintza eta Ardogintza industriako profesionalak
- **Izena emateko epea:** 2025ko uztailaren 14
- **Azokaren webgunea:** www.prowine-singapore.com

Eusko Jaurlaritzako Elikadura, Landa Garapen, Nekazaritza eta Arrantza Sailak, Elikaduraren Euskal Industria kanpoan sustatzen laguntzeko jardueren barruan, **PROWINE SINGAPUR 2026** azokan Euskadiko enpresen baterako parte hartzea antolatu du HAZI Fundazioaren bitartez. Azoka Singapur-en ospatuko da 2026ko apirilaren 21tik 24ra arte.

AZOKAREN IZAERA

ProWine Singapur, FHA-Food & Beverage-rekin batera antolatua, Asiako hego-ekialdeko merkatuetan sartzeko plataforma da. Bisitari profesionalei soilik zuzendutako azoka da.

Singapur, Vietnam, Indonesia, Thailandia, Filipinak edo Malaysiako beste merkatu batzuk bezala, gora egiten ari da ardoaren kontsumoan, bertako biztanle gazteak sartzearen ondorioz.

Eskualde osoan 600 milioi biztanle baino gehiago bizi dira, gero eta errenta handiagoarekin eta per capita kontsumo txikiarekin.

Singapur, berez, merkatu esanguratsua da, bai premium ardoen inportatzaile estatusagatik, bai bertara sartzeko ate gisa duen rolagatik. 2024an, Singapurrek, ekoizlea ez izan arren, 126 milioi dolarretik gorako balioa zuen ardoa esportatu zuen.

Azokak seigarren edizioa ospatuko du, 2024ko edizioan izandako bisitarien gorakada handiak bultzatuta.

AZOKAREN IZAERA

PROWINE SINGAPUR DATUAK

Erakusketa
eremua:

6.000 m²

Bisitariak
2024an:

14.097
profesional

Erakusleak
2024an:

200 enpresa
25
herrialdekoak

Bisitarien
jatorria:

%65a nazionalak
%35a
nazioartekoak

EUSKADI BASQUE COUNTRY STAND-A

Eusko Jaurlaritzak **PROWINE SINGAPUR 2026** azokan 40-60 m²-ko espazioa izango du Euskadiko mahastizaintza eta ardogintza industriako enpresentzat, stand partekatuan parte hartu nahi dutenentzat.

Euskadiren ordezkaritzak gaitasun mugatua du. Lekua baino enpresa interesdun gehiago egonez gero, aukeraketa bat egingo da, **izena emateko hurrenkeraren arabera**.

PARTE HARTZEKO BALDINTZAK

Egoitza **Euskadin** duten eta Eusko Jaurlaritzaren **Elikagaien Industrien Erregistroan** inskribatuta dauden **enpresa ekoizleak** baino ezingo dute parte hartu ekitaldi honetan.

AZOKAREN AURRETIK

- Enpresak ordezkari bat bidaltzeko konpromisoa hartuko du eta kuota ordainduko du. Euskadiren pabiloian egongo dela jakinarazi ondoren, ezin izango da baja eman. Ezinbesteko kasuetan, eta horietan baino ez, Eusko Jaurlaritzak eskubidea izango du enpresak aurkeztutako arrazoiak aztertu eta, behin-behinean, ordaindutako zenbatekoaren zati bat itzultzeko.
- Enpresek nahitaez agertu beharko dute ekitaldia hasiko den egunaren bezperan, adierazitako orduan, merkantziajasotzeko eta beren standen dekorazioa azkentzeko, ekitaldia hasi baino lehen, nahikoa aurrerapenarekin.
- **Azokako egun guztietan eta ordutegi osoan zure standari kasu egitea.** Standari jaramonik egin ezean, enpresak bere gain hartuko du azoka-erakundeak egin dezakeen edozein zigor. Eta, gainera, eragina izango du etorkizunean Eusko Jaurlaritzarekin izango dituen partaidetzetan.

AZOKAN ZEHAR

- Erakusten diren produktuek soilik Euskadin ekoitzitakoak izan beharko dute. Inola ere ezin izango da ez aipatu, ez aurkeztu, beste autonomia erkidego batzuetako produkturik.

AZOKAREN ONDOREN

- Ebaluazio-inkesta egin; antolakuntzaren jarraibideen arabera bete eta entregatu beharko dute.

PARTE HARTZEKO EREDUA ETA KOSTUA

PARTE HARTZEKO EREDUA

Eusko Jaurlaritzaren stand-ean, Euskadiko elikagaien industrian kalitatezko ardoak (Jiko ardoak), Jiko txakolinak edota beste edari alkoholodun batzuk ekoizten diharduten enpresek izango dute lekua.



- **Stand PARTEKATUA eredua:**
(Enpresen arteko bereizgailurik gabeko eremu komuna)

PARTE HARTZEKO KOSTUA

ProWine Singapur 2026 azokan parte hartzea hurrengo kostua izango du:

- **Stand PARTEKATUA:**
 $2.800\text{€} + \%21 \text{ BEZ} = 3.388\text{€}$

EUSKO JAURLARITZAREKIN PARTE HARTZEA

IZENA EMATEKO EPEA: 2025EKO UZTAILAREN 14

Leku kopurua mugatua denez, gomendatzen dugu lehenbailehen izena emateko formularioa betetzea eta ordainketaren frogagiria, zure enpresak zerga eta Gizarte Segurantzarekiko betebeharrak egunean dituela egiaztatzen duten agiriak bidaltzea Maria Fernandez de Romarategui: mrromarategui@camaradealava.com

Enpresa parte hartzaileen **hautaketa izena emateko dokumentuak jasotzen diren hurrenkeraren arabera egingo da eta lehentasuna emango zaie Euskadiko Elikadura Sistemako Enpresa Jardunbide Egokien Kodeari atxikita dauden enpresei.**

Eskabidea osorik egon dadin eta kontuan har dadin, honako hauek bete beharko da:

IZENA EMATEKO FORMULARIOA BETE

Formularioan eskatzen den informaziotik datuak zehazki transkribatuko dira, azokaren katalogo ofizialerako eta prestatzen diren gainerako elementu promozionaletarako.

[IZENA EMATEAK](#)

KUOTAREN ORDAINAGIRIA

Kontu zenbakia:

ES49 3035-0179-61-1791069900

Laboral Kutxa HAZIren izenean.

BIC de Laboral Kutxa: CLPEES2MXXX

Kontzeptua: "Enpresaren izena +
PROWINE SINGAPUR 2026".

- HAZI Fundazioko Finantza Departamentuak dagokion zenbatekoaren faktura igorriko dizue, izena emateko epea amaitu eta parte hartzea baieztatu eta gero.

EUSKO JAURLARITZAREKIN PARTE HARTZEA

GARRANTZITSUA

Izen-ematea formalki egintzat jotzeko IZENA EMATEKO FORMULARIOA BETE eta ORDAINAGIRIA IGORRI beharko da. Ondorio guztietarako, izen-ematea ordaindu den eguna hartuko da izen-emateko datatzat.

Eskatutako izena emateko formularioa betetzeak EZ DAKAR enpresak Euskadiren pabiloian parte hartzea; izen-ematea onartu dela jakinaraziko da.

ENPRESAK FAKTURA JASO, HAU DA, EUSKADIREN STANDEAN SARTZEAREN JAKINARAZPENA JASO ONDOREN PARTE-HARTZEARI UKO EGITEN BADIO, ORDAINDUTAKOAREN %100 GALDUKO DU.

Enpresak baja ematen badio, Eusko Jaurlaritzak eskubidea izango du enpresak aurkeztutako arrazoiak baloratzeko eta, hala badagokio, ordaindutako zenbatekoaren ehuneko bat itzultzeko.

Enpresek ordaindutako zenbatekoak itzultzeko kasu hauek baino ez dira kontuan hartzen:

- Enpresa erakusleek eskatutako gunea Azokaren Antolakuntzak Eusko Jaurlaritzari esleitutako gunea baino handiagoa bada, hautatu ez diren enpresek eskubidea izango dute aurrez izena emateko kuota itzultzeko.
- Eusko Jaurlaritzak halabeharrez edo nahiko partaiderik ez dagoelako parte hartzea bertan behera uzten badu, enpresek eskubidea izango dute ordaindutakoaren %100 jasotzeko.

ESKAINITAKO ZERBITZUAK

Eusko Jaurlaritzako Elikadura, Landa Garapen, Nekazaritza eta Arrantza Sailak, HAZIren bitartez, zerbitzu hauek eskainiko ditu:

1 Espazioaren kontratazioa

Promozio-gune batekin parte hartuko da, eta enpresa erakusketariak partekatutako stand batean banatuko da, merkantzia biltegitatzeko gune batekin.

2 Standaren dekorazioa

Euskal Autonomia Erkidegoko erakustoki guztietarako uniformeak izango dira standaren dekorazioa eta oinarritzko altzariak, eta elementu hauek izango dituzte:

- mostradorea eta aulkia, errotulua enpresako; bilera-mahaiak, hozkailuen biltegia eta erabilera komunitarioko harraska eta konexio elektrikoa.

Standetako oinarritzko altzarien, elementu elektrikoen edo behar elektrikoen edozein aldaketa, horien gehikuntza edo aldaketa dakarrena, zuzenean kontratatuko du erakustoki-kide bakoitzak, eta horrek kostu erantsia izango du, dekoratzaileak zuzenean fakturatuko duena.

3 Standa mantentzeko lanak (garbiketa, elektrizitatea, ura...)

Eusko Jaurlaritza arduratuko da garbiketa-, elektrizitate eta ur-zerbitzuez, besteak beste, bai eta, oro har, standaren mantentze egokiaz ere. Hala ere, enpresa bakoitza izango da bere standa garbitasun-baldintza egokietan izatearen erantzulea.

ESKAINITAKO ZERBITZUAK

4 Merkantziaren garraioa

Eusko Jaurlaritzak merkantziaren bidalketa bateratua antolatuko du garraiolariak adierazitako puntu komunitik merkantzia standean entregatu arte. Merkantzia bidaltzearen kostua garraiolariak fakturatuko du eta enpresa erakusketariaren kontura izango da.

Dagokionean, garraio-enpresa esleipendunaren datuak emango zaizkie.

Eusko Jaurlaritzak ez du erantzungo bidalketa bateratutik kanpo bidaltzen diren merkantzien harreraz ezta segurtasunaz ere.

Esaten zaien orduan, enpresak derrigor egon behar dira merkantzia jasotzeko eta beraien erakustokien dekorazioa amaitzeko, behar bezain garaiz, ekitaldia hasi baino lehenago. Adierazitako orduan merkantzia jasotzera agertzen ez diren enpresek zigorra jaso dezakete.

5 Kopa eta listu ontzien zerbitzua

Eusko Jaurlaritzak koordinatuko kopa eta listu ontzien kontratazioa, garbiketa barne.

6 Azokaren katalogo ofizialean sartzea

Eusko Jaurlaritzak egin beharreko tramite guztiak egingo ditu azokara joaten diren enpresa erakusle guztiak azokaren antolakuntzak argitaratzen duen katalogo ofizialean agertzeko; bertan, ekitaldiko erakusle guztiak agertzen dira erregistratuta ([izena emateko formularioan](#) jasotako datuak agertuko dira).